



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA FUNDACIÓN ORDEN DEL CAMINO DE SANTIAGO

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeas, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeas e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Esta Fundación Orden del Camino de Santiago ten por obxecto:

- *Promoción do Camiño de Santiago.*
- *Difusión do Camiño de Santiago.*
- *Conservación e potenciación da historia e da cultura en xeral do Camiño de Santiago.*
- *Difusión da cultura en todos os seus ámbitos.*
- *Creación do voluntariado da Orde, para atender aos peregrinos e axudar á plantación de árbores e limpeza, co fin da conservación do Camiño de Santiago.*
- *Facer obras de beneficencia e sociais.*

E desenvolve, entre outras, as seguintes actividades: nomeamento de Damas e Cabaleiros da Orde; realización de viaxes e intercambios culturais; organización de xornadas, seminarios, congresos, etc.; potenciar a cultura e estudos xacobeos; etc.

Esta Fundación é propietaria na vila de Melide dunha finca denominada “El Bosque de los peregrinos” situada ao pé do Camiño Francés. Nesta finca segundo o proxecto que se achega como anexo a este convenio, se pretenden realizar diversas labores de acondicionamento para converter este lugar en parada e lugar de repouso para os peregrinos e tamén a decoración da mesma con alegorías ao Camiño de Santiago e ao Apóstolo e as tradicións xacobeas.

Para a difusión deste bosque se pretende crear una paxina web e a edición de material como trípticos que informen sobre a existencia deste Bosque dos peregrinos.

Está previsto que se continúe coa plantación de árbores de especies autóctonas por parte de peregrinos e personalidades que a Orde convida para que este Bosque sexa un espazo verde ao pé da ruta xacobeas.

Igualmente a Fundación Orden del Camino de Santiago pretende continuar realizando a súa actividade coa celebración dos seus Capítulos (a desenvolver en Santiago, Madrid e México).

O orzamento estimado destas actuacións acada os 17.121 euros.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago e outras entidades xacobeas, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrència pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratégico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago



- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- O apoio a esta Fundación redunda de maneira efectiva na difusión do Camiño de Santiago e da cultura xacobeira pois conta cun amplo número de membros espallados por máis de trinta países e que son importantes prescriptores para o Camiño de Santiago polo mundo.

b/ criterios específicos:

- A Fundación Orden del Camino de Santiago posúe un número socios en torno ás 1.200 de persoas espalladas por ese territorio.
- A implantación da Fundación está moi consolidada. O seu labor de promoción do Camiño é amplamente recoñecido.
- Esta Fundación co seu amplo labor e coas súas numerosas actividades contribúe notablemente á dinamización da cultura xacobeira e da peregrinación.

O orzamento da actividade a financiar ao abeiro deste convenio é o seguinte:

PRESUPUESTO DE ACTUACIÓN.-

Capítulos

• Medallas	2.335 €
• Capas	2.274 €
• Viaxes	450 €
Total	5.059 €

Otros Actos

• Aluguer material	847 €
• Correos	215 €
Total	1.062 €

Bosque Peregrinos

• Peche finca	6.000 €
• Plantación Arbores	2.000 €
• Monolitos	1.000 €
• Acondicionamento(Allanar, segar e sementar) ...	2.000 €
Total	11.000 €

TOTAL: 17.121 €

A S.A. de Xestión do Plan Xacobeo aboará a cantidade de 10.000 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá



o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente